

Liedeken

Comt Susanna lieve Bruyt,
Wilt s'werelts gewoel verlaeten,
Vlucht Antwerpen treckt daer uyt,
En keert weder naer Hoochstraten,
Daer ist dat ghy wesen moet,
Om deuchtsaem te sijn en goet.

Comt weer naer u Vaderlandt,
Daer u Vader is gheboren,
Ghelijck eertijds Godt
T' Volck van Israel uytverkoren
Want daer is u eyghen huys,
Om te leven ryn en kuys.

Eenen Hoff is daer beset
Vol van geestelijcke boomen:
Maeckt dat ghy hier wel op let,
Om u quaey natuer te toonen:
Maeckt in deughden dat ghy groeyt,
En in suyverheyt hier bloeyt.

Als een ELS niet vruchteloos
In den ACKER wilt hier wesen,
Maer in desen Hoff altoos
Groeyt en bloeyt, en uytghelesen
Vruchten brengt voort van de deught,
Die g'hier naer ghenieten meught.